

ՄԱՐԶՊԱՆԱԿԱՆ ՀԱՅԱՍՏԱՆԻ ԱՊՍՏԱՄԲՈՒԹՅՈՒՆԸ
ՊԱՐՍԿԱՍՏԱՆԻ ԴԵՄ ԵՎ ԲՅՈՒՋԱՆԴԻԱՆ
(V Դ. ՎԵՐՋ ԵՎ VI Դ. ՍԿԻՋԲ)

Վ. Կ. ԻՍԿԱՆՅԱՆ

Մարզպանական Հայաստանի 492—499 թթ. ապստամբությունը Պատմականության դեմ միջնադարյան հայ ազատագրական նշանավոր շարժումներից է, որը, սակայն, անհրաժեշտ ուշադրության չի արժանացել պատմաբանների կողմից: Այն համառոտ քննարկման են ենթարկել Մ. Չամչյանն իր «Պատմություն Հայոց» գրքի երկրորդ հատորում, իսկ վերջերս՝ ակադ. Ս. Տ. Երեմյանը «Ուրվագծեր ՍՍՀՄ պատմության (III—IX դդ.)» գրքի՝ իր գրած «Քաղաքական փոխհարաբերությունները Սասանյան Իրանի, Բյուզանդիայի և Հայաստանի միջև V—VI դդ. սահմանագլխին» ենթագլխի մեջ¹: Պատմական աշխատություններում կամ միանգամայն անտեսվել է այդ ապստամբությունը կամ, լավագույն դեպքում, նրա մասին խոսվել է հարեանցի կերպով՝ Ավելին. Մ. Օրմանյանի ասելով, քանի որ հայ պատմիչների մոտ այդ մասին ակնարկ չկա, ուստի, ասորի աղբյուրի հաղորդածը շփոթություն է մարզպանությունից առաջ տեղի ունեցածի հետ: Նման ապստամբություն լինելու դեպքում պարսիկները Վահան Մամիկոնյանից հետո մարզպանությունը նրա Վարդ եղբորը չէին տա²: Այս տեսակետը համոզիչ և հիմնավորված չէ: Կան շատ ապստամբություններ, որոնց մասին հաղորդող պատմիչները եզակի են (Պրոկոպիոսը՝ Զենոն կայսեր դեմ Սատրապական Հայաստանի և Հուստինիանոսի դեմ՝ Մեծ Հայքի, իսկ «Սեբեոսի պատմությունը»՝ Մորիկ կայսեր դեմ Վահունի նախարարների գլխավորությամբ տեղի ունեցած ապստամբությունների մասին): Ընդհանրապես սխալ կլինի կարծել, թե հայկական աղբյուրներով մեզ է հասել հայ ժողովրդի անցյալի բոլոր իրադարձությունների պատմությունը: V դարի վերջի ապստամբությունը ոչ միայն ըստ ժամանակի, այլև ընդհանրապես դեպքերի զարգացման իր ամբողջ ընթացքով ամենեին նման չէ հայերի նախորդ որևէ ելույթին: Վերջապես, Վահան Մամիկոնյանը մարզպանի պաշտոնը ձեռք էր բերել ոչ թե Տիգրանի արքունիքի ողորմածությամբ, այլ, ինչպես աղբյուրներն են հաղորդում, բռնի ուժով և «իր քաջությամբ»³: Այդ պաշտոնը նրա եղ-

1 Մ. Չամչյան, Պատմություն Հայոց, հատ. Բ, էջ 230—235: «Очерки истории СССР (III—IX вв.)», М., 1958, էջ 209—212:

2 Ստ. Պալասյան, Պատմություն Հայոց սկզբից մինչև մեր օրերը, Թիֆլիս, 1890, էջ 213: Թ. Նեոլոբե, Պատմություն Սասանյան տերության, Վաղարշապատ, 1896, էջ 45: Կ. Տեր-Մկրտչյան, Հայոց եկեղեցւոյ պատմութիւն, մաս II, Վաղարշապատ, 1908, էջ 183—184:

3 Մ. Օրմանյան, Ազգապատում, Կ. Պոլիս, 1912, էջ 499—500:

4 «Սեբեոսի եպիսկոպոսի Պատմություն», Երևան, 1939, էջ 25: Տե՛ս նաև Մելիք «Եթ-Րեկ, Վրաց աղբյուրները Հայաստանի և հայերի մասին, հատ. II, Երևան, 1934, էջ 41:

բորը մերժելը կարող էր պարսկական տիրապետության դեմ նոր զժգոհություններ և բարդություններ առաջացնել Հայաստանում:

Պրոֆ. Լևոն, որն իր «Հայոց պատմության» երկրորդ հատորում մանրամասն և ղեղեցիկ կերպով շարադրել է 481—484 թթ. Մարզպանական Հայաստանի ասպետամբությունը Պարսկաստանի դեմ, մեղ հետաքրքրող կարևոր խնդիրը ուսումնասիրելու փոխարեն զժրախտաբար սահմանափակվել է լուկ զժգոհություն հայտնելով նրա մասին հայկական պատմիչների պահպանած լուծության և «օտար աղբյուրների հաղորդած կցկտուր տեղեկությունների» կապակցությամբ⁵:

Ակադ. Հ. Մանանդյանը Արևելյան Հայաստանի 572 թ. ասպետամբությունը Պարսկաստանի դեմ անվանում է «հայերի III ասպետամբություն»⁶, այսինքն առաջինը՝ 450—451 թթ., երկրորդը՝ 481—484 թթ., իսկ սրան հաջորդածը (492—499 թթ.), այդպիսով, մեջտեղից վերանում է, ուստի և դուրս է մնացել անվանի պատմաբանի աշխատություններից:

Միջնադարյան հայ աղատադրական այդ կարևոր շարժման պատմությունը, այդպիսով, կարոտ է պատշաճ ուսումնասիրման և զնահատման: Սույն հոդվածը մի փորձ է նվիրված այդ նպատակին:

Մարզպանական Հայաստանի հաղթական ասպետամբությունը (481—484) Պարսկաստանի դեմ մեծ նշանակություն ունեցավ հայ ժողովրդի ազդային ինքնուրույն գոյության և ներքին ինքնավարական իրավունքի պահպանման համար: 484 թ. նվարսակի դաշնագրով, ինչպես հայտնի է, Պարսկաստանը հրաժարվում է կրոնական բռնադատությունից, Հայաստանում պահպանվելու էր տոհմիկության իրավունքը, խրախուսվելու էր լավը և երկրի գործերն անձամբ տնօրինելու էր թագավորը⁷:

Ստեփանոս Ասողիկը (XI դ.) այդ պայմանագրից հետո Հայաստանի սպարապետ և մարզպան Վահան Մամիկոնյանին խաղաղ կառավարում է վերադրում, որ վերաշինելով ավերված երկիրը և «բարվւթք վճարեալ՝ թողու փոխանակ իւր զեղբայր իւր զՎարդ պատրիկ՝ ամս դ»⁸: Հայաստանում, իրականում, ինչպես ցույց են տալիս միանգամայն վստահելի փաստերը, կառավարումը ամենևին էլ հանգիստ ու խաղաղ չի եղել:

Նվարսակի դաշնագրից երկար չի պահպանվում: Վաղարշ թագավորը զրժուդոհ մոեերի կողմից կտրացվում է. զահակալում է Պերոզի որդի Կավատը (488—531), որը նրկիրը նառավարում է միանձնյա և կամայական կերպով: «Այդ Կավատը, — ասում է Թեոփիլակտոս Սիմոկատան, — ղեպի սպանությունները հակված, արյունոտ մարդ էր և ուժով էր զրավել իշխանությունն ու պարսկական թագավորությունը դարձրել էր բռնապետություն»⁹:

Կավատը իր նախորդների նման համաձուլման քաղաքականություն է վարում Հայաստանում: Նա հայերի վրա գործադրում է կրոնական բռնադատություն: Պարսկաստանը, մազդեզականություն պարտադրելով, միշտ էլ նպա-

⁵ Լեոն, Հայոց պատմություն, հատ. Բ, Երևան, 1947, էջ 133:

⁶ Հ. Մանանդյան, Քննական տեսություն հայ ժողովրդի պատմության, հատ. Բ, Բ մասի նյութեր, Երևան, 1960, էջ 16:

⁷ Ղազար ֆարպեցի, Պատմութիւն Հայոց և թուղթ առ Վահան Մամիկոնեան, Տփղիս, 1904, էջ 161—162:

⁸ Ստեփանոս Ասողիկ, Պատմութիւն տիեզերական, Պետերբուրգ, 1885, էջ 82:

⁹ Theophylacti Simocatae, Historiarum, Bonnæ, 1834, էջ 171:

տակ է ունեցել ոչնչացնել հայոց խիստ ազդեցիկ քրիստոնեական եկեղեցին և ընդհանրապես ազդեցությունը Հայաստանում ու հայ ֆեոդալական բոլոր խավերին սերտորեն կապել պարսից պետության հետ¹⁰։ Կավատի կրոնական հալածանքի մասին որոշակի տեղեկություններ կան աղբյուրներում և ամենից առաջ՝ Ծսու Եղեսացու մոտ¹¹։ Կավատը, ըստ այդ ժամանակագրի, Հայաստան է ուղարկում զորք և շատ մոզեր, որոնք նրա հրամանով երկրում կառուցում են ատրուշաններ և հայերին հարկադրում հրաժարվել քրիստոնեությունից ու ընդունել զրադաշտականություն¹²։ Նույն աղբյուրի վկայությամբ, Անաստաս կայսեր գահակալման շրջանում (491—518), երբ Կավատը նրանից դրամ է պահանջում, արդեն առկա էր հայերին կրոնական բռնադատության ենթարկելու փաստը։ Պարսկաստանում այդ ժամանակ տարածվել էր Մազդակի կրոնափիլիսոփայական նոր վարդապետությունը, որը սերտորեն կապված էր մանիքեության և զրադաշտականության հետ։ Բայց Մազդակը միաժամանակ քարոզում էր կանանց և ունեցվածքի հավասար բաշխում մարդկանց միջև, անձնական սեփականության և ընտանիքի վերացում։ Կավատը պարսկական ազդեցիկ քրմությանը և աղնվականությանը թուլացնելու համար պաշտպանել է մազդակյաններին և ձգտել է նրանց կրոնական նոր ուսմունքը տարածել նաև Մարդպանական Հայաստանում¹³։

Կավատի կողմից հայերի կրոնական հալածանքի մասին, ճիշտ է, անուղղակի կերպով տեղեկություններ կան նաև հայկական աղբյուրներում։ Նվարսակի դաշնագրով, ինչպես գիտենք, քրիստոնեությունը ճանաչվել էր հայերի միակ օրինական կրոնը և արգելվել էր նրա հալածանքը։ Կավատը, սակայն, հրամայել է. «Իւրաքանչիւր ոք զիւր հաւատս կալցի, և զՀայս նեղել ոք մի՝ իշխեսցէ. ամենաքին մեր ծառայք են, մարմնով մեզ ծառայեսցեն, իսկ վասն հոգւոցն, որ զհոգիսն դատի՝ նա գիտէ»¹⁴։

10 Ն. Ս ա մ ու ե լ յ ա ն, Հին հայ իրավունքի պատմություն, հատ. I, Երևան, 1939, էջ 111։

11 Ասորի Ծսու Եղեսացին իր ժամանակագրությունը սկսում է Զենոն կայսրից (474—491) և հասցնում է մինչև 506 թ.։ Նա ականատես է իր նկատարած դեպքերին։ «Նրանց մի մասը, — ասում է Ծսուն, — ես գտել եմ հին գրքերում, մի մասն իմացել այն մարդկանց հետ հաղորդակցելով, որոնք որպես դեսպաններ ուղարկվել են երկու թագավորների մոտ (Անաստաս կայսեր և Կավատի — Վ. Ի.), մնացածը՝ նրանցից, ովքեր իրենք են եղել այդ դեպքերի մեջ» (տե՛ս Н. Пигулевская, Месопотамия на рубеже V—VI вв., М.—Л., 1940, էջ 137)։ Նրա ժամանակագրությունը, ակադ. Վ. Վ. Ստրուվեի ղեկավարմամբ, «հազվագյուտ ասորական աղբյուր էս (նույն տեղում, առաջարանը)։ Պրոֆ. Ն. Պիգուլևսկայի ասելով, «Ծսու Եղեսացուն պետք է համարել արժանահավատ, ճշմարիտ աղբյուր» (նույն տեղում, էջ 81)։ Այն մեզ է հասել 'Իրոնիսիոս Տելմահարցու ժամանակագրության հետ միացած, ուսերեն է թարգմանել ասորերենի և ասորական աղբյուրների հմուտ գիտակ պրոֆ. Ն. Պիգուլևսկայան (նույն տեղում, էջ 130—170)։ Ծսուն Կավատի դեմ Արևելյան Հայաստանի ապստամբության պատմության թեև համառոտ, բայց միակ աղբյուրն է։

12 Нешу Стелит, էջ 135, հմմտ. Մ. Չ ա մ լ յ ա ն, Նշվ. աշխ., էջ 230։

13 Ф. Н. Успенский, История Византийской империи, т. I, էջ 353։ Հ. Մ ա ն ա ն ղ յ ա ն, Քննական տեսություն հայ ժողովրդի պատմության, հատ. Բ, մաս Բ, էջ 12։

14 Ս ե ռ ե ո ս, Պատմութիւն, էջ 122—123, 125, հմմտ. Ս տ. Ա ս ո ղ ի կ, էջ 92—93, 97։ Սերեոսի մոտ Կավատը ներկայացված է նաև այլ կերպ. նա հաջորդում է Պերոգին, հայերի հետ կնքում է հաշտություն, Վահան Մամիկոնյանին կանչում է Տիգրոն, մեծարում և մարզպանություն տալիս (էջ 26)։ Այդպիսով, պատմիչը, ինչպես իրավացիորեն նկատել են, ականջատորեն Կավատին շփոթել է պարսից Վադարշ թագավորի (484—488) հետ (Կ. Կ ո ս տ ա ն յ ա ն ց, Հիւսուած րանից նախի պատմագրաց Հայոց, գիրք երրորդ, Վիեննա, 1877, էջ 183, ծանոթ.)։

Պարզ բան է, որ Լթե 484 թ. հետո Հայաստանում կրոնական ճնշում գործադրված չլինելը, ապա Կալատի նման հրովարտական անիմաստ կլինելու

Կալատի օրոք, ինչպես ցույց են տալիս փաստերը, ընդհանրապես խիստ ծանրացել է պարսկական տիրապետությունը Հայաստանում: Հայերը, կրոնականից բացի, ենթարկվել են նաև բուդդայիստի այլ կարգի ճնշումների: Այդ տեսակետից վերին աստիճանի կարևոր է Թովմա Արծրունու հետևյալ տեղեկությունը. «Յերկարեալ վտանգ նեղութեան Հայոց, որպէս ցուցանեն բազումք ի պատմագրաց, մինչ ի ժամանակս Զամասպայ և Կաւատայ, մինչ ի Խոսրով արքայ: Եւ նախարարքն Հայոց կրէին կիրս ծանրաբեռինս ի դէն և ի ճակատամարտ»¹⁵:

Ուրեմն, Թովմա Արծրունու ձեռքի տակ, ինչպես վկայում է ինքը, եղել են վաղ ժամանակի շատ պատմիչների գործեր, որտեղ հանգամանորեն խոսվել է Զամասպ և Կալատ թագավորների օրոք Հայաստանում գործադրված պարսկական անասելի ծանր ճնշումների մասին, աղբյուրներ, որոնցից շատերը մեզ չեն հասել: Պատմության անցյալի փորձից հայտնի է, որ հայ ժողովուրդը պարսկական տիրապետության «ծանր բեռն» ամենեին էլ անտրտունջ կերպով չի կրել և սաստկացող ճնշումներին միշտ պատասխանել է ապստամբություններով: Հազարավոր Բ-ի, Պերոգի և թե՛ Խոսրով Ա-ի օրոք: Իսկ մի՞թե Զամասպի և Կալատի ճնշումներն անպատիժ են մնացել՝ կազմելով բացառություն: Ահա այստեղ է, որ հարցին հանգամանորեն պատասխանում և մեզ հասած ալժմյան հայկական աղբյուրների բացը լրացնում է տվյալ ղեկավարին ժամանակակից ասորի Եսու Եղեսացին:

Պարսկական սաստկացող ճնշումները Հայաստանում նորից են ստեղծել լարված գրություն և ի վերջո հանդեցրել ապստամբության (492 թ.): «Նրանք (հայերը — Վ. Ի.), — վկայում է Եսու Եղեսացին, — ամրացան, զորեղացան և ավերեցին կրակատները, որոնք պարսիկները կառուցել էին նրանց (հայերի — Վ. Ի.) երկրում և սպանեցին իրենց մեջ եղած մոգերին»¹⁶:

Հայերը ձգտում են օգտվել Պարսկաստանի ծանրացող վիճակից: Հանգիստ չէր նրա ներքին և արտաքին գրությունը: Կալատը զահակալել էր հոների օգնությամբ, որոնց խոստացել էր հարկ վճարել, մինչդեռ թագավորական զանձարանը դատարկ էր: Չէին զաղարում զահակալական երկպառակությունները արքունիքում: 492 թ. Կալատի դեմ ապստամբում են քուրմերը և աղնվականները՝ նրան տապալելու համար: Արտաքին հարաբերություններում որվում են հակասությունները Բյուզանդիայի հետ: Հայերը, օգտվելով պարսիկների կրած այդ դժվարություններից, տապալում են նրանց տիրապետությունը և պարզում անկախության գրոշ ու կազմակերպում են ապստամբական բանակ թշնամու հարձակումը ետ մղելու համար: «Կալատը, — շարունակում է ժամանակագիրը, — զորքով նրանց դեմ ուղարկեց մի մարդպանի՝ պատժելու և կրակապաշտ դարձնելու համար: Հայերը պատերազմեցին նաև նրա դեմ, ջախջախեցին նրան ու նրա բանակը»¹⁷: Հաղթանակը ցույց է տալիս, որ ապստամբությունը սղել է բավական կազմակերպված և կրել է ժողովրդական-ազատագրական բնույթ: Ապստամբների մեջ տիրել է միաբանություն և

¹⁵ Թովմա Արծրունի, Պատմութիւն Տանն Արծրունեաց, Թիֆլիս, 1917, էջ 144—145:

¹⁶ Мешу Стилит, էջ 135:

¹⁷ Նույն տեղում:

համերաշխություն, որը հանգեցրել է հաղթանակի, իսկ վերջինս իր հերթին մեծ խանդավառություն է առաջացրել երկրում, նոր թափ հաղորդելով շարժմանը:

Հայերին հետևում է վրացիների, Հայկական Տավրոսի լեռնային և Միջագետքի արարական ցեղերի ապստամբությունը: Բայց հայերը և վրացիները պարսիկների դեմ ազատագրական պայքար են մղում ուժերի խիստ անհավասար դասավորությամբ: Նրանք հանդես էին եկել Սասանյան Պարսկաստանի դեմ, որը մեծ ու հզոր տերություն էր, որից սոսկ սեփական ուժերով հաղթանակ ձեռք բերելն, լայնումենայնիվ, հեշտ չէր: Ապստամբների այդ վիճակը նրանց ստիպում է դիմելու որևէ արտաքին, մանավանդ հարևան դավանակից Բյուզանդիայի օգնությանը, որը Պարսկաստանի անհաշտ թշնամին էր: Ուստի, հայերը, ասում է ժամանակագիրը, ջախջախելով պարսիկներին, անմիջապես «դեսպաններ ուղարկեցին մեր (Անաստաս — Վ. Խ.) կայսեր մոտ, որ իրենք նրան են հպատակվում»¹⁸: Կայսրությունը սակայն ապստամբների նկատմամբ զրավում է միանգամայն չեղուք դիրք, որը բխում էր սովյալ ժամանակ նրա ներքին ու արտաքին, մասնավորապես Մերձավոր Արևելքում գոյություն ունեցող դրությունից:

Անաստաս կայսրը¹⁹ հինգ տարի պաշտոնում էր գահակալական երկպառակություններ և խավրների խռովություններ վերացնելով: Այնուհետև նա անընդմեջ պատերազմներ է մղում Դանուբից հարձակվող քոչվոր ցեղերի դեմ: 493, 499, 502 թթ. բուլղարները ներխուժում են Թրակիա, և բյուզանդական զորքը կրում է ծանր պարտություն: Թրակիան, Կ. Պոլսին հարող այդ կարևոր պրովինցիան, փաստորեն մի քանի տարի շարունակ մնում է անպաշտպան²⁰: Կայսրը մայրաքաղաքը պաշտպանելու համար կառուցում է 50 կմ երկարությամբ «Երկար պարիսպը»: Եկեղեցական վեճերի հետևանքով Կ. Պոլսում տեղի է ունենում ապստամբություն, որը սպառնում է գահազրկել կայսրին: 499 թ. հրդեհից այրվում է մայրաքաղաքի կենտրոնական մասը²¹:

Անաստասի օրոք լարված էին հարաբերությունները Պարսկաստանի հետ: 491 թ. Կավատը կայսրից պահանջում է վճարել 363 թ. դաշնադրությամբ նախատեսվող տարեկան դրամական գումարը քոչվոր ցեղերի դեմ կովկասյան լեռնանցքների պաշտպանության համար²²: Կայսրը Կավատի դեմ ձգտում է օգտագործել ստեղծված եկեղեցական լարված վիճակը Պարսկաստանում և հայերի ապստամբությունը: Նա, տեղեկանալով, որ Կավատը երկրում վերականգնել է վրադաշտականությունը «և որ նա շարիք է գործել իր հպատակ

¹⁸ Նույն տեղում: Ըստ Մ. Չամչյանի հայերը Բյուզանդիա դեսպանություն են ուղարկել 495 թ. (տե՛ս նշվ. աշխ., էջ 231):

¹⁹ Այս կայսեր կառավարման առանձին ուսումնասիրումը տե՛ս A. Rose, Kaiser Anastasius I, Erster Theil: Die äussere Politik des kaisers, Halle a. s., 1882. Նույնի Die byzantinische Kirchenpolitik unter Kaiser Anastasius I, Wohlau, 1888.

²⁰ Է. Գելլցեր, Համառոտություն բյուզանդական կայսրների պատմության, Վաղարշապատ, 1901, էջ 40—42: Փ. Մ. Успенский, նշվ. աշխ., էջ 346—348:

²¹ «История Византии», т. I, М., 1967, էջ 210:

²² Փ. Մ. Успенский, նշվ. աշխ., էջ 352—353: Այդ գումարը հավասար էր հինգ կենտինարի ոսկու (Н. В. Пигулевская, Арабы у границ Византии и Ирана в IV—VI вв., М.—Л., 1964, էջ 309): Կավատը դրամը տալու էր հեփթագների թագավորին, որն իրեն օգնել էր դահին վերահաստատվելու համար, մինչդեռ կայսրը կասկածում էր, որ դրանով պարսիկները հեփթաղներին կդարձնեն իրենց դաշնակիցը Բյուզանդիայի դեմ:

հայերին այն բանի համար, որ նրանք չեն երկրպագել կրակին, նա (կայսրը — Վ. Ի.) արհամարհեց նրան (Կավատին — Վ. Ի.) և ոսկի շուղարկեց»²³։ Այդ հանգամանքն անշուշտ հայերին խրախուսել է և ավելի համարձակ դարձրել Պարսկաստանի դեմ։ «Երբ, — շարունակում է ժամանակագիրը, — Կավատի հպատակ հայերը իմացան, որ հռոմեացիների (բյուզանդացիների — Վ. Ի.) կողմից նրան հաշտ կերպով պատասխան չի տրվել, նրանք ամրացան, զորեղացան և ավերեցին կրակատները»²⁴։

Անաստասը Բյուզանդիայում վարել է հայ հոգևորականության համար ընդունելի եկեղեցական քաղաքականություն։ Նա իր նախորդ՝ Ջենոն կայսեր հետևելով, քաղկեդոնականության փոխարեն պաշտպանել է միաբնակ դավանությունը, որին պատկանում էին նաև հայերը։ Այդ հանգամանքը, ի վերջո, հանգեցրել է հունաց, հայոց, վրաց և աղվանից եկեղեցիների սերտ մերձեցմանը՝ «մի հաւատ բարեպաշտութեան»²⁵։ Ուստի, ժամանակակից հայ եկեղեցական գործիչները Անաստաս կայսրին հիշատակում են «զբարեպաշտ և զխաղաղասէր», «երանելոյ քաջ», «ցանկալին հրեշտակաց և մարդկան Անաստասիոս» դրական մակդիրներով։ Ջենոն և Անաստաս կայսրերի հիշատակին հայոց եկեղեցին տան է կատարել²⁶։

Անաստասը, փաստորեն խրախուսելով հայերին պարսիկների դեմ, ձգտել է օգտվել նրանց ապստամբությունից, բայց նա ամենևին էլ մտադիր չի եղել ռազմական օգնություն ցույց տալու ապստամբներին։ Կայսրությունը ոչ պատրաստ էր և ոչ էլ մտադիր պատերազմելու Պարսկաստանի դեմ։ Անաստասի արտաքին քաղաքականությունը Բյուզանդիայի բոլոր սահմաններում պաշտպանողական էր²⁷։ Իհարկե, այլ կերպ էին մտածել ապստամբ հայերը՝ դեսպանություն առաքելով Բյուզանդիա։ Կայսրության դիրքորոշումը շուտով ակրնհայտ է դառնում։ «Բայց, — ասում է Եսոս Եղեսպցին, — նա (Անաստասը — Վ. Ի.) չցանկացավ նրանց ընդունել, որպեսզի չթվա թե նա (Անաստասը — Վ. Ի.) պատերազմ է հրահրում պարսիկների դեմ»²⁸։

Այս բոլորից հետո ամենևին իրավացի չէ պրոֆ. Լեոն, երբ գրում է, թե իբր «Անաստաս կայսրը, համակրելով հայերին և կամենալով օգնել նրանց, վարում էր հակապարսկական քաղաքականություն»²⁹։ Կայսրության դիվանագիտության հիմքում միշտ էլ ընկած է եղել Արևելա-հռոմեական պետության և նրա տիրող դասակարգի շահը, մի հանգամանք, որ այլ կապակցությամբ ընդգծել է նաև ինքը՝ պրոֆ. Լեոն։

Հիմնավորված չէ նաև այն տեսակետը, ըստ որի իբր շուտով սկսված պարսկա-բյուզանդական պատերազմի պատճառն Անաստաս կայսեր կողմից հայերին հովանավորելն էր³⁰։ Պատերազմի զլխավոր պատճառը, Պրոկոպիոսի

²³ Иешу Стилиит, էջ 135։

²⁴ Նույն տեղում։

²⁵ «Գիրք թղթոց», Թիֆլիս, 1901, էջ 46, 220—221, 300։ Հովհաննես Դրասխանակերտցի, Պատմութիւն Հայոց, Թիֆլիս, 1912, էջ 62։ Ուլասանես, Պատմութիւն Հայոց, Վաղարշապատ, 1871, էջ 131։

²⁶ «Գիրք թղթոց», էջ 328։

²⁷ «История Византии», т. I, էջ 216։

²⁸ Иешу Стилиит, էջ 135։

²⁹ Լեոն, նշվ. աշխ., էջ 134։

³⁰ Տե՛ս Հ. Գուցսր, Համառոտություն բյուզանդական կայսրների պատմության, էջ 42 և 4։ Տե՛ր-Մկրտչյան, Հայոց եկեղեցու պատմութիւն, մաս Ա, էջ 183։ Լեոն, նշվ. աշխ., էջ 133։

«կայսրությանը, կայսեր հրաժարումն էր Տիգրոսին նպաստ վճարելուց. «զրա համար էլ Կալատը առանց որևէ առիթի որոշեց արշավել հռոմեացիների վրա»³¹։ Կալատի արշավանքը, ինչպես ցույց է տալիս ուսումնասիրությունը, հետևանք էր Պարսկաստանում գոյություն ունեցող ներքին խոր պատճառների, իսկ նպատակը՝ կողոպուտի միջոցով ձեռք բերել հարստություն, օգտվելով Բյուզանդիայի ներքին ու արտաքին ծանր գրությունից³²։ Կայսրությունը ամեն կերպ ձգտել է պահպանել խաղաղությունը. դաշինքը խախտող և հարձակվող կողմ եղել են պարսիկները³³։ Հայերի ապստամբությունը կաշկանդում էր պարսիկներին, բայց նրանց օգնելը կարող էր Բյուզանդիային ներքաշել պատերազմի մեջ։ Այդ շահագիտական քաղաքականությունից, ինչպես կտեսնենք, տուժում է նաև ինքը՝ կայսրությունը, ղրկվելով հուսալի դաշնակցից Պարսկաստանի դեմ մղած պատերազմում։

Կալատը, օգտվելով հայերի նկատմամբ Անաստասի զրաված անտարբեր դիրքից, ղորք է հավաքագրում ապստամբությունը ձնշելու համար, բայց նա զահազրկվում է դժգոհ մոզություն և աղնվականության կողմից ու բանտարկվում Անհուշ բերդում։ Այդ հեղաշրջումը, ինչպես գտնում են, տեղի է ունեցել 496 թ.³⁴։ Կալատի փոխարեն չորս տարի զահակալում է եղբայրը՝ Ջամասպը³⁵։ Սրա ժամանակ Հայաստանի նկատմամբ պարսկական քաղաքականության մեջ որևէ փոփոխություն տեղի չի ունենում։ Ուստի, այդ տարիներին հայերի ապստամբությունը հաղթականորեն շարունակվում է և պահպանվում է Հայաստանի անկախ վիճակը։ Ապստամբության ընթացքի մասին դժբախտաբար մենք մանրամասն տեղեկություն չունենք։ Չգիտենք, թե պարսիկներից անկախություն ձեռք բերելուց հետո ինչպես է ընթացել հայ ժողովրդի ներքին կյանքը, ապստամբներն ինչ միջոցառումներ են անցկացրել երկրում։

Կալատին հաջողվում է փախչել բանտից և հեփթաղների թաղավորի օգնությամբ վերահաստատվելով դահին (498 կամ 499 թ.), անհապաղ ղբաղվում է հայերի խաղաղեցմամբ։ Նա մի մեծ ղորքի ղուխ անցած շարժվում է Մարդպանական Հայաստան։ «Հայերը, — հաղորդում է Նսու Նդեսացին, — վախենալով, որ նա (Կալատը — Վ. Ի.) վրեժխնդիր կլինի իւն բանի համար, որ իրենք մինչ այդ ավերեցին կրակատները, նրան չցանկացան հպատակվել։ Կալատը ղորք հավաքեց և պատերազմեց նրանց հետ։ Նա հաղթեց, բայց շամայացրեց նրանց (երկիրը — Վ. Ի.։ այլ խոստացավ շհարկաղրել երկրպագելու կրակին, և թե նրանք դառնան իր օգնականները հռոմեացիների (բյուզանդացիների — Վ. Ի.) դեմ պատերազմում։ Նրանք երկյուղից իրենց կամքին հակառակ համաձայնվեցին»³⁶։ Հայերը սկզբում չեն համաձայնվում օգնել պարսիկներին ի դեմս կայսրության նոր թշնամի ձեռք չբերելու համար։ Բայց Բյու-

³¹ Procopius, De bello persico, էջ 34.

³² Н. Пигулевская, Месопотамия на рубеже V—VI вв., էջ 9, 83.

³³ Иешу Стилит, էջ 149, Евагрий, Церковная история, СПб, 1858, էջ 162, 173.

³⁴ А. Крымский, История Сасанидов и завоевание Ирана арабами, Москва, 1905, էջ 39.

³⁵ Արար պատմիչ Տարարին (X դ.) իր «Մարգարեների և թագավորների պատմությունը» գրքում հաղորդում է, որ Կալատը տապալվել է տալս տարի կառավարելուց հետո՝ 488+10 = 498 թ., առ՝ս А. Э. Шмидт, Материалы по истории Средней Азии и Ирана (Ученые записки института востоковедения, т XVI, էջ 130).

³⁶ Иешу Стилит, էջ 136—137.

զանդիան, ինչպես տեսանք, հրաժարվել էր օգնել ապստամբներին: Հայաստանում վերականգնվում է պարսկական դերիշխանությունը: Հայոց այրուձին միանում է պարսկական բանակին կայսրության դեմ մղվող պատերազմում: Պարսիկները, ինչպես գտնում են, հույս ունեն հաջողությամբ ստանալ Բյուզանդական Հայաստանի օգնությունը, որտեղ հայերի մեջ գոյություն ուներ խոր դժգոհություն Բյուզանդական տիրապետության դեմ: Այստեղ կայսրությունը խախտել էր հայ նախարարների ժառանգական իրավունքները և արտոնությունները³⁷:

Ինչն է ճակատամարտում Կավատին հաղթանակ բերել. ռազմական դերադանցությունը, թե՛ ապստամբների մեջ առաջացած երկպառակության հետևանքով շարժման թուլացումը. դժվար է ասել: Ապստամբության դադարեցման գործում, անշուշտ, վճռական նշանակություն է ունեցել Կավատի քաղաքականության փոփոխությունը, առաջին հերթին կրոնական հալածանքի վերացումը: Այդ մասին տեղեկանում ենք և՛ աւորի ժամանակագրից, և՛ Ներսես Շինոզի օրոք Բյուզանդացիներին հայերի դրած թղթից³⁸: Այդ փոփոխությունն իր հերթին հետևանք էր ոչ միայն հայերի ապստամբության, այլև Բյուզանդիայի դեմ Պարսկաստանի նախապատրաստվող նոր պատերազմի: Իրեն օգնելու դիմաց հոններին խոստացված ոսկին կայսրությունից ձեռք բերելու նպատակով Կավատը կարող էր օգտագործել Հայաստանի զինվորական ուժը և նրա ռազմա-ստրատեգիական հարմար գիրքը Բյուզանդիայի վրա հարձակվելու համար:

Նսու Նդեսացին դժբախտաբար չի տալիս հայերի ապստամբության դեկավարի և նրա որևէ մասնակցի անուն: 481—484 թթ. Պարսկաստանի դեմ հաղթական ապստամբությունից հետո, ինչպես հայտնի է, Մարզպանական Հայաստանում կառավարում է Վահան Մամիկոնյանը, որպես սպարապետ և մարզպան: Այնուհետև նրա մասին ուղղակի տեղեկություն չունենք: Աղբյուրների տվյալների հիման վրա կարելի է միայն ասել, որ Կավատի դեմ ապստամբության ժամանակ ևս երկրում կառավարել է Վահան Մամիկոնյանը: Այս ենթադրությունը, իհարկե, կհաստատվի այն դեպքում, երբ վերջնականապես որոշվեն սպարապետի մարզպանության տարիները, մանավանդ նրա մահվան թրվականը: 481—484 թթ. պատերազմի պատմության հեղինակ Ղադար Փարպեցին, ինչպես գիտենք, ղեկավարի շարադրումը հասցնում է մինչև Վահան Մամիկոնյանի մարզպան դառնալը, որը պատմադրության մեջ նշվում է 484, 485 կամ 486 թվականով և նրա հետագա կյանքի մասին լռում է: Մեզ հասած միանգամայն վստահելի աղբյուր է Բարկեն կաթողիկոսի «Թուղթ հայոց ի Պարսս, առ ուղղափառս», որտեղ «ութևատասներորդ ամի Կալատայ արքայից արքայի» (= 506 թ.) տակ թվարկած հայ իշխանների շարքում Վահան Մամիկոնյանի անունը չկա: Այդտեղ առաջինը հիշատակված է նրա եղբայր Վարդ Մամիկոնյանը³⁹, նույն կաթողիկոսի երկրորդ նամակում ևս տրվում է Վարդ Մամիկոնյանի անունը՝ արդեն որոշակիորեն ընդգծելով նաև նրա պաշտոնը՝ մարզպան լինելը⁴⁰: Այս բոլորից պետք է հետևեցնել, որ Վահան Մամիկոնյանը մա-

³⁷ С. Т. Еремян, *указ. соч.*, էջ 210—211:

³⁸ Մ. Չամչյան, *նշվ. աշխ.*, էջ 232:

³⁹ «Գիրք թղթոց», էջ 42, հմտ. ն. Տեբեթիսյանց, *Հայոց եկեղեցու հարաբերությունները ասորվոց եկեղեցիների հետ*, էջմիածին, 1908, էջ 70:

⁴⁰ «Գիրք թղթոց», էջ 48:

հացել է 506 թ. առաջ և նրա մարդպանությունը քսան տարուց ավելի և 505 թ. հետո չպետք է լինի⁴¹։

Հովհաննես Դրասխանակերտցու (IX—X դդ.) ասելով, Բաբկեն Ա Օթմսեցի կաթողիկոսը աթոռակալում է հինգ տարի և մահանում։ «Իսկ զկնի սորա զՅամուէլ ՚ի գեղջէն Արծկէոյ նստուցանեն յաթոռ հայրապետութեանն. և յորում ժամանակի Վարդ՝ եղբայր Վահանայ, պայազատէ զՀայս։ Եւ սորա ևս կացեալ յաթոռ հայրապետութեան ամս տասն վախճանի»⁴²։ Ըստ Մ. Օրմանյանի Սամուել Ա Արծկեցին աթոռակալել է 516—526 թթ.⁴³։

Սամուել Անեցին (XII դ.) Շէ-ի (—507 թ.) տակ ասում է, որ Վահան Մամիկոնյանը կառավարել է ԼԱ (—31 տարի) = 507 + 31 = 538 թ.)։ Այնուհետև հաղորդելով մարդպանի մահվան և Վարդ եղբոր հաջորդելու մասին, ցույց է տալիս ՇԼԸ (—538) թվականը⁴⁴։ Ըստ Մ. Օրմանյանի սա ակնհայտ սխալ է և քանի որ նույն ժամանակագրի մոտ Քաղկեդոնի ժողովը 451 թ. փոխարեն զբրված է 471 թ., ուստի վերոհիշյալ տարեթվից ևս պետք է հանենք քսաներկու տարի և կստանանք Վահան Մամիկոնյանի մարդպանության ճիշտ սկիզբը՝ 485 թ.⁴⁵։ Այդ հաշվով նա մարդպան է եղել մինչև 516 թ. (485 + 31)։

Ըստ Սխիթար Անեցու (XIII դ.) մարդպան են եղել «Վահան՝ ամս է։ Վարդ ամս Դ»⁴⁶։ Ո՞ր թվականն է պատմիչը բնգունում Վահանի մարդպանության սկիզբը, հայտնի չէ։

«Յամս Կաւաաւո՝ արքայի Կարսից, — հաղորդում է Ստեփանոս Օրբելյանը (XIII դ.), — ի մարդպանութեանն Հայոց Վահանայ Մամիկոնեանոյ. և ի հայրապետութեան Տեառն Մուշէի կաթողիկոսի վախճանի երանելի եպիսկոպոսն Սինեաց Մուշէ կալեալ զաթոռն ամս 36»⁴⁷։ Այստեղից երևում է, որ Վահան Մամիկոնյանը Կալատ թագավորի օրոք եղել է կենդանի և մարդպան։ Մեղ հայտնի է, որ պատմագիր Ղ. Փարպեցին գնացել է Սյունիք և հյուրընկալվել Մուշե եպիսկոպոսի կողմից⁴⁸։ Սյունյաց Մուշե եպիսկոպոսը մասնակցել է Վիլի-նի ժողովին (506 թ.)⁴⁹ և մահացել Վահան Մամիկոնյանի մարդպանության ժամանակ։ Նշանակում է, առնվազն մինչև 506 թ. Վահանը կենդանի է եղել։ Պատմիչի վերոհիշյալ վկայության մեջ, անշուշտ, անախրոնիզմ է Մուշե կաթողիկոսի անվան հիշատակությունը, որը աթոռակալել է 526—534 թ.։

Վարդան Արևելցին (XIII դ.), ի մի բերելով մատենագիրների տվյալները, հաղորդում է, որ նրանցից «Զվահան կէսը քսան ամ և կէսը երեսուն և մի ասեւ կացեալ իշխան»⁵⁰։

41 Մ. Օրմանյան, Աղգապատում, Կ. Պոլիս, 1912, էջ 500։

42 Հովհաննես Դրասխանակերտցի, Պատմութիւն Հայոց, էջ 63։

43 Մ. Օրմանյան, նույն տեղում, էջ Իա։

44 Սամուել Անեցի, Հաւաքմունք ի դրոց պատմաբանաց յաղագս գիտի ժամանակաց անցելոց մինչև ի ներկայս, Վաղարշապատ, 1893, էջ 72, 74։

45 Մ. Օրմանյան, նույն տեղում, էջ 471։

46 Սխիթար Անեցի, Պատմութիւն, Պետերբուրգ, 1879, էջ 9։

47 Ստեփանոս Օրբելյան, Պատմութիւն նահանգին Սիսական, Թիֆլիս, 1911, էջ 72—73։

48 Ղաղարփարպեցի, Պատմութիւն Հայոց և թուղթ առ Վահան Մամիկոնեան, էջ 187։

49 Այդ մասին տե՛ս Հ. Աճառյան, Հայոց անձնանունների բառարան, հատ. Գ, էջ 464։

50 Տե՛ս Վարդան Բարձրբերդցի, Պատմութիւն տիեզերական, Մոսկվա, 1861, էջ 80։

Պատմաբանները և բանասերները Վահան Մամիկոնյանի մարդպանության տեղումնության տարբեր թվականներ են նշում. մինչև 505⁵¹, 510 թ.⁵²:

Այդպիսով, բոլոր դեպքերում ընդունվում է, որ Վահան Մամիկոնյանը ապրել է և մարդպան եղել առնվազն մինչև 505—506 թ.։ Նշանակում է՝ Կավատի դեմ Արևելյան Հայաստանի ապստամբության ժամանակ նա է եղել մարդպանը, հետևաբար՝ նաև ազատագրական շարժման ղեկավարը, իսկ այնուհետև՝ Բյուզանդիայի դեմ մղած պատերազմին պարսկական բանակի հետ մասնակցած հայկական զինգի հրամանատարը՝ նրա եղբայր Վարդ Մամիկոնյանը։ Այս միանգամայն հավանական տեսակետն ընդունվել է մի շարք ուսումնասիրողների կողմից⁵³, չնայած նրա վերջնական պարզաբանման համար անհրաժեշտ են նոր հավաստի պատմական փաստեր։

Կավատը, հպատակեցնելով Արևելյան Հայաստանը, ոչ միայն իր համար ապահով թիկունք է ստեղծում, այլև հայերից զորք է ստանում Բյուզանդիայի դեմ մղած պատերազմում։ Հայաստանը դառնում է ռազմական դործողությունների թատերաբեմ և անլուր ավերածությունների է ենթարկվում թե՛ բյուզանդական և թե՛ պարսկական զորքերի կողմից։

502 թ. օգոստոսին Կավատը, խախտելով 422 թ. կայսրության հետ կնքած հարյուրամյա հաշտությունը, մեծ բանակով Մարդպանական Հայաստանի վրայով անսպասելիորեն ներխուժում է Արևմտյան Հայաստան և պաշարում նրա վարչական կենտրոն Թեոդոսուպոլիսը (Կարինը)։ Երկրամասի բյուզանդական կառավարիչ, սենատոր Կոստանդինը, որը թշնամի էր կայսեր, քաղաքը հանձնում է պարսիկներին և ծառայում նրանց։ Կավատը կողոպտում է քաղաքը, այրում, մինչև հիմքերը ավերում, ամայացնում նաև հյուսիսային կողմի բոլոր բնակավայրերը, իսկ բնակչությանը դերելարում Պարսկաստան⁵⁴։ Թեոդոսուպոլիսը կայսրությանն է անցնում նորից 502 թ. նոյեմբերին, երբ Մելիտինեի դուքս Եվդենիոսը զրաւում է քաղաքը և ոչնչացնում այնտեղ գտնված պարսիկներին։

Կավատը, օգտվելով կայսրության դիմադրության թուլությունից, Թեոդոսուպոլիսից շարժվում է հարավ-արևմուտք և Հյուսիսային Միջագետք արշավելու ճանապարհին անխնա կերպով կողոպտում, ամայացնում և դերելարում է Վեդի, Սուֆ, Ափմենիա և Արաբը⁵⁵, այսինքն Անդեղը, Ծոփքը, Արև-

⁵¹ Ղ. Ալիշան, Այրարատ, Վենետիկ, 1890, էջ 561։ Հ. Աճառյան, Հայոց անձնանունների բառարան, հատ. Ե, էջ 12։

⁵² Մ. Չամչյան, Նշվ. աշխ., էջ 236, Ստ. Պալասյան, Պատմութիւն Հայոց, էջ 213։

⁵³ Մ. Չամչյան, Նշվ. աշխ., էջ 231—236։ Կ. Տեր-Մկրտչյան, Հայոց եկեղեցւոյ պատմութիւն, մաս Ա, էջ 183—184։ Լեո, Նշվ. աշխ., էջ 133—134, С. Т. Еремян, Նշվ. աշխ., էջ 210 և այլն։

⁵⁴ Այդ մասին եսու եղեսացուց քացի տե'ս Theophanes, Chronographia, t. II, էջ 144։ Хроника Захарии Ритора (տե'ս II. Пигулевская, Сирийские источники по истории народов СССР, М.—Л., 1941, էջ 150). Procopius, De bello Persico, I, 7, Евagrii, Церковная история, էջ 175, 182։ Վերջինս օգտվել է Եվստաֆիոսի «Եկեղեցական պատմություն»-ից, որտեղ մանրամասն խոսվել է Թեոդոսուպոլիսի զրաւման մասին մասին, բայց որը մեզ չի հասել, Միխայել Ասորի, Ժամանակագրութիւն, Երուսաղէմ, 1871, էջ 216։ Պարսկա-բյուզանդական այս պատերազմի պատմությունը ենթարկվել է առանձին քննարկման, տե'ս Merten, De bello Persico ab Anastasio gesto, Lipsiae, 1905։

⁵⁵ Иешу Стилит, էջ 143։

մրտյան Հայաստանը ու Մծրինից արևմուտք գտնված Արար անունով նահանգը⁵⁰։

Մովսիս Թեոդոս Հայ նախարարը, որի աթոռանիստը նիդերլանդներում էր, պարսկական մեծ բանակից սարսուփած, իր երկիրը նրա ավերածությունից փրկելու համար, մանավանդ հաշվի առնելով քաղաքի վատ պաշտպանվածությունը, ճոխ բնօրինակով ընդառաջ է դնում Կավատին, հպատակություն հայտնում և խոստանում իր ծառայությունը։ Սատրապն իր հետ էր վերցրել նաև կայսրությանը վճարվելիք երկու տարվա պետական հարկը⁵¹։ Կավատը Մովսիս ընդունում է իր տիրապետության տակ, Թեոդոսին թողնում իր պաշտոնին, իսկ գավառն ազատում է ամայացումից։ Հետագայում երբ Մովսիսը նորից անցնում է բյուզանդական զերիշխանության տակ, Թեոդոսը Անաստաս կայսեր կողմից չի պաշտոնավարելու կամ դատապարտվում, այլ խրախուսվում է նրա գործելակերպը որպես նման պայմաններում կայացրած խելամիտ որոշում⁵²։

Այնուհետև Կավատի բանակի ասպատակությունների ասպարեզ է դառնում Հյուսիսային Միջագետքը, որտեղ 502 թ. հոկտեմբերին պարսիկները պաշարում են Ամիդը (Դիարբեքիրը), կայսրության զինավոր ամրոցը Միջագետքում, և երեքամսյա կատաղի գրոհներից հետո գրավում են և գիմազրելու համար արյունահեղ դատաստան տեսնում նրա քաղաքացիների հետ։ Քաղաքը կողոպտվում է, իսկ բնակչությունը՝ սրի քաշվում և գերեվարվում։ Ամիդի պաշարմանը և ընդհանրապես Միջագետքում տեղի ունեցող ռազմական գործողություններին մասնակցում է Մարգարանական Հայաստանի նախարարական զորքը՝ Վարդ Մամիկոնյանի հրամանատարությամբ⁵³։ Կավատը Ամիդում կոտորում է «անձինս ութսուն հազար, և զալսն գերեցին. բայց միայն զի մեծ եկեղեցին լցեալ էր ժողովրդեամբ, խնդրեաց զօրագլուխն Հայոց և թողաւ այն»⁵⁴։ Ամիդը նաև հայերով բնակեցված քաղաք էր, մի հանգամանք, որն, անշուշտ, հիմք է տվել հայ զորավարին միջնորդելու Կավատի առաջ գոնե եկեղեցում պատսպարվածներին կոտորածից փրկելու համար։ Կավատը ձմեռում է Ամիդում, իսկ նրա առանձին զորամասերը ասպատակում են բյուզանդական Միջագետքը և Ասորիքը։

503 թ. օգոստոսին Հյուսիսային Միջագետքում պարսիկները մեծ հաղթանակ են ձեռք բերում բյուզանդական բանակի դեմ։ Կավատի բանակում ճակատամարտին մասնակցում են նաև հայերը⁵⁵։

503 թ. աշնանը Կավատը մեծ զորքով հարձակվում է Եղեսիայի վրա, բայց անհաջող։ Բյուզանդական նոր զորահրամանատար Կելերը պատերազմի ըն-

⁵⁰ Այդ բոլորի մասին մանրամասն տե՛ս Н. Адопц. Армения в эпоху Юстиниана. СПб., 1908, էջ 39—41; Н. Пигулевская, Месопотамия на рубеже V—VI вв., էջ 94—95։

⁵¹ Procopii, De aedificiis, I, 3. էջ 248։ Սատրապական Հայաստանի նախարարները բյուզանդական կայսրին վճարել են այսպես կոչված *augum coronatum* — «թագի կսմ պսակի ոսկին»։ Անաստաս կայսեր մի հրովարտակից (496 թ.) երևում է, որ Արևմտյան Հայաստանում գանձվել են այսպես կոչված *ta 'xwaxenaxt' sghaxoxa* «հայկական տուրքեր», հարկեր, Н. Адопц. Армения в эпоху Юстиниана, էջ 115—116։ Խ. Սամուելյան, Հին հայ իրավունքի պատմություն, հատ. I, էջ 223։

⁵² Procopii, նույն տեղում։

⁵³ Մ. Չամչյան, նշվ. աշխ., էջ 232։

⁵⁴ Միխայել Ասորի, էջ 216—217։

⁵⁵ Иешу Стилпт, էջ 159։

թացքը փոխում է հօգուտ կայսրության: Նրա բանակը, հետապնդելով փախուստի մատնված պարսիկներին, անխնա կողոպտում, զերկվարում և ամայացնում է անցած տերիտորիաների բնակավայրերը: Բյուզանդացիների այդ մոլեգին դատաստանից զերծ չի մնում նաև Մարզպանական Հայաստանը, ուր արշավում է Արիորինդ զորավարը: «Արիորինդը, — վկայում է Նսու Եղեսացին. — վերցրեց իր զորքը և դնաց Պարսկական Հայաստան, նա հայերից և պարսիկներից կոտորեց 10.000 տղամարդ, զերեց 30.000 կին ու երեխա, կողոպտեց և այրեց շատ գյուղեր: Երբ նրանք շրջվեցին Ամիդի վրա գնալու, նա վերցրեց 120.000 ոչխար, էղներ և (այլ — Վ. Խ.) տնասուններ»⁶²: Այս իրադարձության և տարեթվի մասին տեղեկություն է հաղորդում նաև Միսայել Ասորին. «Ի քսան և երկու ամիս Անաստասայ առաքելցու ՚ի նմանէ զօր յաշխտրհն Հայոց, և արարին զնոսա ընդ ինքեամբք՝ ՚ի բաց կալ ՚ի Պարսից. իսկ Անաստաս թաղաւորեալ քսան և եւթն ամ, մեռաւ ՚ի քսան և ինն Թամուզ ամսոյ»⁶³: Արիորինդը, ինչպես գտնում են, Հայաստան է արշավել 504 թ. ամռանը⁶⁴:

Բյուզանդացիները Մարզպանական Հայաստանում գործադրած իրենց դաժանություններով, անշուշտ, վրեժխնդիր էին լինում հայերից պարսիկներին ցույց տված նրանց օգնության համար:

Բյուզանդական շատ զորամասեր, պարսիկների դեմ պատերազմական գործողություններ վարելով Միջագետքում և Մարզպանական Հայաստանում, այնուհետև ձմեռում էին Արևմտյան Հայաստանում, քիչ հոգսեր չպատճառելով հայ բնակչությանը:

Պարսկաստանի դեմ հետադաշնություն ձևաբերած հաղթանակները նորից են բարձրացնում կայսրության հեղինակությունը: Հայերը, ինչպես նաև արաբները երես են դարձնում պարսիկներից ու անցնում Բյուզանդիայի կողմը: Դերանցից էր Մուշեղ զորավարը: «Մուշեղը, — ասում է Նսու Եղեսացին, — որը պարսկահպատակ հայ էր, իր ամբողջ զորքով հանձնվեց և ենթարկվեց հոռմեացիներին (բյուզանդացիներին — Վ. Խ.)»⁶⁵: Ո՞վ էր այս Մուշեղը. գծվար է ասել: Թերևս միակ հայն է, որին անունով հիշատակում է ասորի ժամանակագիրը: Մարզպան Վահան Մամիկոնյանի եղբայր Վարդը իր այրուծիով անցնում է կայսրության կողմը և մասնակցում պարսիկների դեմ մղած հետագա պատերազմական գործողություններին:

Սանրանում է Պարսկաստանի արտաքին գրությունը: Հյուսիսից նրան ըսպառնում են հոները: 506 թ. Մծբինի մոտ Բյուզանդիայի և Պարսկաստանի միջև կնքվում է յոթամյա հաշտության պայմանագիր, ըստ որի վերականգնվում է մինչպատերազմական գրությունը: Կայսրությունը նորից համաձայն-

⁶² Նույն տեղում, էջ 161: Մ. Չամչյանը, մատնացույց անելով Նսու Եղեսացուն, գրում է, որ իբր Արիորինդը «գիմեալ ի կռղմանս Զորորդ Հայոց՝ կոտորեաց ի պարսից և ի հայոց տասն հազար այր» (նշվ. աշխ., էջ 235): Ժամանակագրի մոտ, ինչպես տեսնում ենք, իրականում ասված է «պարսկական (Մարզպանական — Վ. Խ.) Հայաստան»: Պրոֆ. Լեոն, ծանոթ չլինելով Սսուի ժամանակագրությանը, իր հերթին սխալմամբ ասում է, թե Պարսկական Հայաստան արշաված բյուզանդական բանակի մասին մենք տեղեկություն չունենք (նշվ. աշխ., էջ 135):

⁶³ Միսայել Ասորի, էջ 218:

⁶⁴ Н. Пигулевская, Месопотамия на рубеже V—VI вв., էջ 120—121:

⁶⁵ Нешу Стилит, էջ 162:

վում է պարսիկներին վճարել ամենամյա դրամական դրամար կուլկասյան ամբությունների պահպանման համար:

Բյուզանդական բանակը Մարզպանական Հայաստանում մնացել է մինչև 506 թ. ամառը: Վախճանության այդ երեքամյա տիրապետությունը երկրի և ժողովրդի համար հանդիսացել է ծանր կեղեքման ու կողոպուտի, մարդկային նորանոր կորուստների և ավերածությունների մի մուսյլ շրջան:

Այդ ժամանակ էլ, ինչպես կարծում էն, մահացել է Վահան Մամիկոնյանը և մարզպան դարձել՝ նրա Վարդ եղբայրը⁶⁶: Վերջինս պարսիկների դեմ մղած պատերազմին մասնակցելու համար կախությունից ստացել էր լղատրիկի աստիճան: Պրոֆ. Լևոյի ենթադրությամբ հավանաբար հենց 506 թ. պարսկա-բյուզանդական «...ղաշնադրական համաձայնության հետևանքով էր, որ պարսից կառավարությունը Վարդ Մամիկոնյանին մարզպան նշանակեց իր տիրապետության տակ անցած Հայաստանի վրա⁶⁷: Նա մարզպանի և սպա-բազանի պաշտոնները վարում է չորս տարի: Վարդ Մամիկոնյանի մահից (509 թ.) հետո Հայաստանի կառավարումը Տիվրոնի արքունիքը հանձնում է պարսիկ մարզպաններին:

Արևելյան Հայաստանում վերահաստատվում է Պարսկաստանի տիրապետությունը, բայց ազատագրական պայքարն ապարդյուն չի անցնում: V դարի վերջի ապստամբության դերը մեծ է երկրի պատմական կյանքում: Նա ձախողեց հայ ժողովրդին պարսիկների հեռ միաձուլելու և նրա ազգային ինքնությունը գոյությունը վերջ տալու Տիվրոնի արքունիքի նենգ փորձը: Վերականգնվեց և պահպանվեց նվարսակի պայմանագրով հաստատված Մարզպանական Հայաստանի ներքին ինքնավարական իրավունքը:

Այդ հաղթանակը հայ ժողովրդին հնարավորություն տվեց նաև ապագա իրազարդ սուղծագործական կյանքի մի երկարատև ժամանակաշրջանի համար: Մինչև VII դարի 60—70-ական թվականները, ինչպես ցույց են տալիս սկզբնաղբյուրները, Հայաստանում սեղի չի ունենում որևէ նոր ազատագրական շարժում: Պարսիկ բռնակալները չեն համարձակվում խախտել երկրի՝ գեների ուժով նվաճված ներքին ինքնավարական իրավունքը:

ВОССТАНИЕ В МАРЗПАНСКОЙ АРМЕНИИ ПРОТИВ ПЕРСИИ И ВИЗАНТИИ (КОНЕЦ V В. И НАЧАЛО VI В.)

В. К. ИСКАНИЯН

(Р е з ю м е)

Статья посвящена изучению истории повстанческого движения в Марзпанской Армении против Персии в 492—499 гг. Восстание явилось результатом усиливающегося в Марзпанской Армении персидского гнета, в частности религиозного преследования армян, во время царствования Кавада (488—531), о чем убедительно говорят сведения си-

⁶⁶ Կ. Տ ե Ր -Մ կ ր տ չ յ ա ն, Հայոց եկեղեցւոյ պատմութիւն, մաս Ա, էջ 184:

⁶⁷ Լ ե ո, Ե Ղ Վ. ա շ իւ., էջ 135:

рийских (Нешу Стялит) и армянских историков («История Себеоса», Степанос Асогик, Товма Арцруни).

В связи с восстанием излагается также история армяно-византийских отношений с конца V в. до начала VI в.

Значение этого восстания в исторической жизни страны огромно. Оно и на этот раз провалило ассимиляторскую политику персов, проводившуюся в отношении армян, и восстановило в Марзпанской Армении внутреннюю автономию и самостоятельность армянских феодальных княжеств-нахарарств.